

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 03/2-27-2767/21

Bihać, 27.10.2021. godine

Na osnovu člana 52. tačka a) Statuta Grada Bihaća („Službeni glasnik Grada Bihaća“, broj: 13/15 i 13/18) i članova 140. i 183. stav (2) Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20) Gradonačelnik Grada Bihaća u svojstvu predlagača propisa i drugih akata

**O D R E Đ U J E**

Izvjestioca: mr. Damir Smajić, dipl. pravnik, pomoćnik gradonačelnika za urbanističko planiranje, građenje, imovinsko-pravne i geodetske poslove, na sjednici Gradskog vijeća i radnim tijelima po prijedlogu tačke dnevnog reda:

Prijedlog Zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima.

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za urbanističko planiranje, građenje,  
imovinsko-pravne i geodetske poslove

Broj: 03/2-27-2767/21  
Bihać, 27.10.2021. godine

**GRADSKO VIJEĆE**

- o v d j e -

**PREDMET:** Prijedlog Zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima.

U skladu sa odredbama člana 52. tačka a) Statuta Grada Bihaća („Službeni glasnik Grada Bihaća“, broj: 13/15 i 13/18) i člana 140. Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20) u prilogu Vam dostavljam prijedlog Zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima.

**O B R A Z L O Ž E N J E**

**I PRAVNI OSNOV**

Pravni osnov za donošenje prijedloga Zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se

zaključiti između Grada Bihaća i Ministarstva sigurnosti BiH i Službe za poslove sa strancima, sadržan je u članu 35. tačka j) Statuta Grada Bihaća („Službeni glasnik Grada Bihaća“, broj: 13/15 i 13/18) kojim je utvrđena nadležnost Gradskog vijeća za donošenje odluka o upravljanju i raspolaganju imovinom Grada.

## II RAZLOZI DONOŠENJA

Gradonačelnik Grada Bihaća podnio je zahtjev kojim traži da Služba za urbanističko planiranje, građenje, imovinsko-pravne i geodetske poslove uputi Gradskom vijeću Bihać prijedlog zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima.

Postupajući po podnešenom zahtjevu proveden je upravni postupak i utvrđeno da je rješenjem Službe za urbanističko planiranje, građenje, imovinsko-pravne i geodetske poslove Grada Bihaća broj: 03/1-19-1-1166/21 od 26.07.2021. godine, Gradu Bihaću zastupan po Gradskom pravobranilaštvu Bihać data urbanistička saglasnost za izgradnju privremenih objekata u sklopu Migrantskog kampa Lipa, na zemljištu označenom kao k.č. br. 145/1 k.o. Lipa po važećem katastarskom operatu.

Rješenjem Ministarstva poljoprivrede, vodoprivrede i šumarstva Unsko-sanskog kantona broj: 08-20-3326-UP-1/21 od 23.08.2021. godine je data poljoprivredna saglasnost za privremenu promjenu namjene poljoprivrednog zemljišta u nepoljoprivredne svrhe, investitoru Gradu Bihaću zastupan po Gradskom pravobranilaštvu Bihać, na zemljištu označenom kao k.č. br. 145/1 kultura, livada klase, VI; V njiva, klase, VII upisane u Posjedovni list br. 114 k.o. Lipa u ukupnoj površini od 40903 m<sup>2</sup>, s tim da poljoprivredna saglasnost vrijedi 5 godina.

Gradsko vijeće Bihać, na prijedlog Gradonačelnika Grada Bihaća na sjednici održanoj dana 31.03.2021. godine je donijelo pod brojem 01-04-85 Zaključak o davanju saglasnosti Gradonačelniku Grada Bihaća da može u ime Grada Bihaća kao vlasnika nekretnine, potpisati notarski obrađenu izjavu kojom se daje saglasnost JP Elektroprivreda BiH d.d. Sarajevo, Podružnica „Elektrodistribucija“ Bihać za izgradnju priključnog podzemnog kablovskog dalekovoda za TS 20/0,4 kV „Lipa 1“, na zemljištu označenom kao k.č. broj 145/1 zv. „Brdaljak“ ukupne površine 40903 m<sup>2</sup> upisana u Posjedovni list br. 114 k.o. Lipa.

Uvidom u dostavljeno izjašnjenje Gradskog pravobranilaštva Bihać broj: Op.74/21 od 09.09.2021. godine i Nacrt Ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade je utvrđeno da su usvojene primjedbe Gradskog pravobranilaštva Bihać.

### III FINANSIJSKA SREDSTVA

Za realizaciju ovog Zaključka nisu potrebna finansijska sredstva iz budžeta Grada Bihaća.

S obzirom na navedene propise smatram prijedlog Zaključka o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima, opravdanim i predlažem da se usvoji u prezentiranom tekstu.

Voditelj postupka: Sanela Hrnjić, dipl. pravnik

Pomoćnik gradonačelnika za urbanističko planiranje,  
građenje, imovinsko-pravne i geodetske poslove  
mr. Damir Smajić, dipl. pravnik

Gradonačelnik  
Šuhret Fazlić

Na osnovu člana 35. tačka j) Statuta Grada Bihaća („Službeni glasnik Grada Bihaća“, broj 13/15 i 13/18) Gradsko vijeće Bihać na \_\_. sjednici održanoj dana \_\_. \_\_. 2021. godine, donijelo je

## Z A K L J U Č A K

o davanju saglasnosti Gradonačelniku Grada Bihaća za potpisivanje notarski obrađenog ugovora o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji će se zaključiti između Grada Bihaća i Ministarstva sigurnosti BiH i Službe za poslove sa strancima

### I

Gradsko vijeće Grada Bihaća daje saglasnost Gradonačelniku Grada Bihaća da može u ime Grada Bihaća kao vlasnika nekretnine označene kao k.č. broj 145/1 zv. „Brdaljak“ ukupne površine 40851 m<sup>2</sup> upisana u Posjedovni list br. 114 k.o. Lipa, potpisati notarski obrađen ugovor o korištenju lokacije „Lipa“ za uspostavljanje privremenog prihvatnog centra za smještaj migranata bez naknade, a koji se ima zaključiti sa Ministarstvom sigurnosti BiH i Službom za poslove sa strancima.

### II

Ovaj Zaključak stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj:

Bihać, \_\_. \_\_. 2021. godine

Predsjedavajući Gradskog vijeća

Zulfikar Handukić

